

HELSE VEST RHF

Dykkar ref.:

Vår ref.:

2020/8773 - 112049/2020

Sakshandsamar:

Anne Kvalheim

Dato:

20.10.2020

Høring - forslag til regelverksendringer - bedre velferdstjenester for barn og unge som har behov for et sammensatt tjenestetilbud

Bedre velferdstjenester for barn og unge som har behov for et sammensatt tjenestetilbud (Samarbeid, samordning og barnekoordinator)

Høyringsnotatet er utarbeidd av Arbeids- og sosialdepartementet, Barne- og familiedepartementet, Helse- og omsorgsdepartementet, Kommunal- og moderniseringsdepartementet og Kunnskapsdepartementet. Notatet inneheld forslag til endringar i helse- og omsorgstjenesteloven, spesialisthelsetjenesteloven, pasient- og brukerrettighetsloven, barnevernloven, barnehageloven, opplæringsloven, friskoleloven, sosialtjenesteloven, NAV-loven, krisesenterloven, familievernkontorloven og introduksjonsloven.

Oppsummering av Helse Bergen HF sine synspunkt:

- Helse Bergen HF støtter behovet for ei betre og sterkare samordning av tenester til barn og unge og ser det som formålstenleg at departementa samarbeider om harmonisering, styrking og tydeleggjering av gjeldande regelverk.
- Føretaket stiller seg positiv til forslaget om ny barnekoordinatorordning, men understreker viktigheit av at barnekoordinatoren vert gitt rammer og myndigheit som gjer det mogeleg å utøve koordinering av det samla tenestetilbodet som familie og barn får.
- Helse Bergen støttar departementa sitt forslag om å utvide ordninga med lovpålagte samarbeidsavtalar til å gjelde barn og unge med samansette vanskar og lidingar, og som får tenester frå både den kommunale helse- og omsorgstenesta og spesialisthelsetenesta.
- Helse Bergen støttar forslag til felles forskrift om individuell plan slik det er skissert i høyringsnotatet.

I høyringsnotatet er følgande regelverksendringar foreslått:

- harmonisere og styrke samarbeidsbestemmelser og lovfeste ei tydeleg plikt for kommunen til å avklare kva velferdsteneste som skal samordne tenestetilbodet

- utvide ordninga med lovpålagte samarbeidsavtalar mellom dei kommunale helse- og omsorgstenestane og spesialisthelsetenesta til å omfatte barn og unge
- innføre ein rett til barnekoordinator for familiar med barn eller som ventar barn med alvorlig sjukdom, skade eller nedsett funksjonsevne
- rettighetfeste gjeldande koordinatorordning i pasient- og brukerrettighetsloven
- harmonisere reglane om individuell plan, innføre ei plikt til å medverke i arbeidet med individuell plan og innføre ei felles forskrift om individuell plan

Harmonisering og styrking av endringar i regelverket

Formålet med forslaga i høyringsnotatet er å styrke oppfølginga av utsette barn og unge og familiane deira gjennom auka samarbeid mellom velferdstenestane. Høyringsnotatet føreslår å harmonisere samarbeidsreglane slik at vilkåra for samarbeid skal vere likelydande og forpliktande for alle parter.

Helse Bergen HF er positiv til å harmonisere og styrke samarbeidsreglane som skissert over. Føretaket støttar forslaga som tydeleggjer kommunen sitt eksisterande ansvar for å sørge for at velferdstenestene samarbeider på tvers av sektorar, slik at det einskilde barn og den einskilde unge får eit heilskapleg og samordna tenestetilbod. Ein tydelegare og sterkare samordningsplikt kan vere eit viktig bidrag til det.

Ny barnekoordinatorordning

Departementa føreslår i pkt. 8.3.3. at det i pasient- og brukerrettighetsloven vert innført «en rett til barnekoordinator for familier med barn eller som venter barn med alvorlig sykdom, skade eller nedsatt funksjonsevne, og som vil ha behov for langvarige og sammensatte eller koordinerte helse- og omsorgstjenester og andre velferdstjenester. Det er den kommunale helse- og omsorgstjenesten som skal oppfylle denne rettigheten.» (s. 70) Barnekoordinatoren skal «sørge for koordinering av det samlede tjenestetilbudet som familien og barnet mottar, og innebærer blant annet at barnekoordinatoren må sørge for nødvendig samarbeid innad i den kommunale helse- og omsorgstjenesten, samarbeid mot spesialisthelsetjenesten og samarbeid med andre kommunale og statlige velferdstjenester, der hvor dette er nødvendig for å tilby et koordinert tjenestetilbud for familien og barnet.» (s.79)

Helse Bergen støtter innføringa av retten til barnekoordinator, men understreker verdien av at barnekoordinatoren vert gitt rammer og mynde som gjer det mogeleg å utøve koordinering av det samla tenestetilbodet som familie og barn får.

Ungdomsrådet i Helse Bergen understreker at overgangar mellom ulike tilbod ofte er utfordrande for barn og unge, og peikar i denne samanheng særleg på at god informasjonsutveksling og kommunikasjon mellom spesialisthelsetenesta og skule må sikrast betre.

Utvida ordning med lovpålagte samarbeidsavtalar

Helse Bergen HF støtter forslaget om ei utvida ordning med lovpålagte samarbeidsavtalar mellom dei kommunale helse- og omsorgstenestane og spesialisthelsetenesta til og å omfatte barn og unge med samansette vanskar og lidingar, og som mottek tenester frå både den kommunale helse- og omsorgstenesta og spesialisthelsetenesta. Samarbeidsavtaler kan vere eit viktige bidrag til å styrke det som familiar rapporterer som mangelfullt, til dømes koordinering, tilgjengelegheit og eit formalisert samarbeid mellom spesialisthelsetenesta og kommunen.

Endring av spesialisthelsetjenesteloven § 2-1 e

Departementa foreslår å endre overskrifta frå dagens "Samarbeid og samhandling" til "Samarbeid». Det vert og foreslått at § 2-1e *første ledd* skal gjelde samarbeid ved yting av konkrete helse- og

omsorgstenester til den enkelte pasient. I *andre ledd* er det foreslått å regulere samarbeid som presiserer at det regionale helseføretaket sitt ansvar inneber ei plikt til å leggje til rette for samarbeid med andre kommunale, fylkeskommunale eller statlege organ og andre tenesteytarar for at *desse* skal kunne ivareta sine oppgåver etter lov eller forskrift. Dette inneber ei endring av gjeldande rett som føretaket kan stille seg bak.

Forslag til felles forskrift om individuell plan

Helse Bergen støtter forslag til felles forskrift om individuell plan slik det er skissert i høyringsnotatet.

Administrative og økonomiske konsekvensar av forslaga i høyringsnotatet

Helse Bergen HF vurderer at forslaga i høyringsnotatet ikkje vil ha økonomiske eller administrative konsekvensar av betydning for føretaket.

Vennleg helsing

Randi-Luise Møgster
Viseadministrerende direktør

Dokumentet er elektronisk godkjent